

Poštovani roditelji, važno je da znate...

Svaka škola će imati svoj operativni krizni tim koji će koordinirati događanja u školi.

Služba za školsku higijenu Instituta kao i niz drugih institucija biće svakodnevno podrška školi.

Tokom ljetnog raspusta izvršena su tri ciklusa dezinfekcije u školskim objektima.

Pratnja učenika nižeg uzrasta. Roditelji dovode i odvode dijete iz ustanove na način da je u pratnji djeteta uvijek jedna odrasla osoba/roditelj/staratelj koja ne spada u rizičnu skupinu za obolijevanje od COVID-19 (nema 65 i više godina, nije hronični bolesnik) i nije trenutno bolesna.

Ulazak u školu. Sve informacije o učenicima škola će organizovati na način da roditelji dobiju putem društvenih mreža od strane učitelja ili razrednika.

Mjerenje temperature. Roditelji/staratelji imaju obavezu izmjeriti tjelesnu temperaturu djetetu svaki dan prije dolaska u školu, te vrijednost izmjerene temperature upisati u za to namijenjenu svesku, ili napomenuti stariju djecu da to samostalno i odgovorno obave. Ukoliko dijete ima temperaturu ne dolazi u školu, nego se javlja telefonom učitelju i svojoj ambulanti.

Izvan škole svi smo dužni da se pridržavamo pravila kojima se smanjuje mogućnost zaraze – maska, fizička distanca, pranje i dezinfekcija ruku.

